

নতুন বার্ড ফ্লু নিয়ন্ত্রণ প্রচারণায় যুক্তরাষ্ট্র ও জাতিসংঘের সমর্থন

ওয়াশিংটন, ২৬শে অক্টোবর -- জাতিসংঘ খাদ্য ও কৃষি সংস্থা (এফএও) ইন্দোনেশিয়ার পুরোনো হাঁস-মুরগীর খামারগুলোর বার্ড ফ্লু নিয়ে এক নতুন প্রচারণা হাতে নিয়েছে।
যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) পশু স্বাস্থ্য প্রকৌশলীদের কর্ম দক্ষতা বাড়াতে এবং পশু চিকিৎসকগণ যাতে এভিয়ান ইন্ফ্লুয়েনজা সনাক্ত করে তা দ্রুত নিয়ন্ত্রণ করার উদ্যোগ গ্রহন করতে পারে সে লক্ষ্যে ১৫ লাখ ডলার প্রদান করছে।

গত ২৪শে অক্টোবর প্রকাশিত এক সংবাদ বিজ্ঞপ্তিতে খাদ্য ও কৃষি সংস্থার প্রধান পশু চিকিৎসা কর্মকর্তা জোসেফ ডোমেনিক বলেন, “পুরোনো খামারে হাঁস-মুরগী পালনকারীদের লাখ লাখ ছোট আকারের হাঁস-মুরগীর মধ্যে এই ভাইরাসের উপস্থিতিতে আমরা উদ্বিগ্ন।”

তিনি বলেন, “গ্রামীণ ও শহরতলীয় এলাকাগুলোতে মানুষ ও পশুপাখির মধ্যে এই ভাইরাসের হুমকির বিষয়ে এখনও সচেতনতার অভাব দেখা যাচ্ছে।”

গত ২০০৩ সালে এশিয়ায় বার্ড ফ্লু'র প্রাদুর্ভাব দেখা দেয় এবং পুর্বের যে কোন সময়ের চেয়ে দ্রুত গতিতে বিস্তৃত হয়ে এখন তা ইউরোপ ছাড়িয়ে অন্যন্য স্থানেও দেখা দিচ্ছে। এই রোগের কারণে আনুমানিক ১৫ কোটি পাখি মারা গেছে অথবা ধ্বংস করা হয়েছে। এছাড়া চারটি দেশে আক্রান্ত পাখির সংস্পর্শে ১২১ জন লোক এই ভাইরাসে আক্রান্ত হয়। এদের মধ্যে ৬২ জনের প্রাণহানি ঘটে।

ইন্দোনেশিয়া ৭ জন মানুষের এই রোগে আক্রান্ত হওয়ার খবর প্রকাশ করলেও আঞ্চলিক সংবাদ রিপোর্টগুলোতে অনেকে আক্রান্ত বলে সন্দেহ করা হয়।

আন্তর্জাতিক স্বাস্থ্য কর্মকর্তারা এই মর্মে সতর্ক করে দিয়েছে যে, ফ্লু ভাইরাস এক দেহ থেকে অপর দেহে সহজে সঞ্চারিত হলে এই রোগ বিশ্বব্যাপী ছাড়িয়ে পড়তে পারে।

থাইল্যান্ডের একটি কর্মসূচীর প্রেক্ষিতে গৃহিত জাতিসংঘ খাদ্য ও কৃষি সংস্থা (এফএও) এবং যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) এই কর্মসূচীর আওতায় কয়েক শত পশু স্বাস্থ্য

প্রকৌশলীকে প্রশিক্ষণ প্রদান করা হবে। থাইল্যান্ডের ঐ কর্মসূচীতে সরকারী স্বাস্থ্য কর্মকর্তাগণ এই রোগের প্রাদুর্ভাব সীমিত রাখতে সমর্থ হয়েছিলেন।

=====

*(ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রাম্স-এর একটি প্রকাশনা।)

জিআর/ ২০০৫

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮১৩৮৮০-৮, ফ্লাক্স: ৯৮৮৫৬৮৮; ই-মেইল: DhakaPA@state.gov এবং Website: dhaka.usembassy.gov (New) এ যোগাযোগ করুন।